

Kubhalwe ngu: Edward Hughes

Kudwetshwe ngu: Byron Unger; Lazarus
Alastair Paterson

Kucubungulwe ngu: E. Frischbutter; Sarah S.


Kutolikwe ngu: Martina Sithole

Kuvezwe ngu: Bible for Children
www.M1914.org

©2024 Bible for Children, Inc.


Ilayisense: Ulelungelo lokulingisa kumbe ukucindezela
indatshana leyi nxa ungasoze uyithengise.






UJesu wayengumfundisi omkhulu -
ongcono kulabo bonke. Inkundla zabantu
zazimlalela. UJesu wayebatshela ukuthi
kumele babe lomusa, babe ngabantu
abalungileyo njalo babe lozwelo.





Noma bengabe bezwiswe ubuhlungu
kumbe bezondwa ngabanye, kodwa
uNkulunkulu uyabanakekela.






UJesu wafundisa into
ezinengi kakhulu.
Wathi abantu
bakaNKulunkulu
bayakhazimulisa
umhlaba.
Njengomahluko
oyenziwa likhandlela
uma indlu imnyama!




Abantu ababefundiswa nguJesu babekholelwa ekuphindiseleni. "Ilihlo ngelihlo, izinyo ngezinyo." Kodwa uJesu wabafundisa ukuba lomusa, ukuxolela lothando, loba kuzitha zakho.





Ngamalanga uJesu esaphila,
kukhona abantu ababesenza angani
bangcwele. Babesithi benganika
imali kwabaswelayo, babetshaya
impembe ukuze babonakale
kumphakathi. "Nikelani licatshile,
uNkulunkulu uzalibusisa,"
kwatsho
uJesu.



UJesu wafundisa okufanayo ngokuthandaza. Abanye abantu babethandaza emigwaqweni ukuze babonakale. Babengela ndaba loNkulunkulu. Babelendaba lokuthi abantu bathini. UJesu wababiza ngokuthi "ngabagabazi" - abayenza amanga.



UJesu wayejwayele ukusebenzisa umkhathi ukuchasisa imfundiso Zakhe. Njengokuthi, Wakhombela inyoni. "UNkulunkulu uyazinikeza ukudla inyoni," watsho lokho. "Lingakhathazeki. UNkulunkulu uzalinikeza lani okokudla."



“USolomoni ekucwebezeleni kwakhe kazange acece njengamaluba,” watsho uJesu. “Nxa uNkulunkulu eggokisa utshani, ngeke na akuggokise?” UJesu wayefundisa abantu ukuthi bamthembe uNkulunkulu Yena onguye osinika konke esikudingayo empilweni.



“Nxa ungahluleli umnewenyu, kufanana lokuzama ukukhipha isiqu elihlweni lakhe kuyikuthi wena ulenkakatha yesigodo kwelakho ilihlo,” kwatsho uJesu. Ingxenye abantu bakhonona. Kodwa kwasokumele bacabangisise ngengcazelo Yakhe leyi.





UJesu wathi abantu
kumele bacele
ungcedo kuNkulunkulu.
Kambe obaba bethu
basemhlabeni bengabe
benikeza ingane zabo
amatshe uma becele
isinkwa? Hatshi!
Bayabanika okuhle
kodwa. UNkulunkulu
unika okuhle kulabo
abacelayo.



UJesu, umfundisi omkhulu, wathi
siqhaphela abafundisi bamanga.
"Bagqoka njengemvu," kwatsho uJesu.
"Kodwa phakathi, bazimpisi!" Wathi
abafundisi bamanga sizababona
ngempilo abaziphilayo.



Endabeni eyachazwayo, uJesu watshengisa abantu ukuthi yilowo lalowo olande imilayo kaNkulunkulu


ufaniswa lendoda ehlakaniphileyo eyakha umuzi wayo phezulu kwedwala. Kwatheleka uzamcolo omkhulu.



Wathi uphezu umkhosi wozamcolo, umuzi lowo awuzange udilike.



Kodwa indoda eyisiphukuphuku yayakha indlu yayo phezulu kwetshebe tshebe. Kwathi kubuya uzamcolo, indlu yawa ngoba iyakhwe etshebe tshebene. UJesu wathi abantu abangalandeli imilayo kaNkulunkulu bafaniswa kanje.



Inkundla yamangaliswa ngamazwi kaJesu. Babengazake bazwe amazwi anje. Ngalokho bahle babakwazi ukuthi akwenelanga ukuzwa iLizwi likaNkulunkulu kuphela. Kumele balilandele, balihloniphe nsuku zonke.



UJesu umfundisi omkhulu

Indaba evela elizwini likaNkulunkulu, iBhayibhili

itholakala ku

UMatewu 5-7, uLukha 6

"Isango lamazwi akho lunika ukukhanya."

Amahubo 119:130



Isiphetho



Indaba leyi eyeBhayibhili isitshela ngokubukeka
kukaNkulunkulu owasidalayo njalo ofuna wena ubemazi.

UNkulunkulu uyakwazi ukuthi senze izinto ezimbi,
lezo azibiza ngokuthi yizono. Umjeziso wesono yikufa, kodwa
uNkulunkulu uyakuthanda kakhulu okokuthi Wakuthumela iNdodana
yakhe, yona eyiyo yodwa, uJesu, ukuze afele esiphambanweni
ejeziselwa izono zakho. UJesu wasevuka kwabafileyo wahamba ekhaya
eZulwini! Nxa ukholwa kuJesu njalo umcele ukuba akuthethelele izono
zakhe, Uzakwenza lokho! Uzabuya ahlale ngakuwe,
lawe uzahlala Laye ngokunaphakade.

Nxa ukholwa ukuthi lokhu kuliqiniso, tshono lokhu kuNkulunkulu:
Kuwe Jesu, ngiyakholwa ukuthi UnguNkulunkulu, njalo wabangumuntu
ukuze ufele izono zami njalo kathesi Uyaphila ngokunjalo. Ngicela
ungene enhlizweni yami ungithethelele izono zami, ukuze ngibe lempilo
entsha kathesi, kwelinye ilanga ngihambe ngiyokuba Lawe
ngokunaphakade. Ngiyacela ukuba ungingcedise ngiKuhloniphe
ngiKuphilele njengomntwana Wakho. Amen.

Funda iBhayibhili njalo ukhulume loNkulunkulu
nsukuzonke! Johane 3:16

